

12

8.

A. K. O.

DISSE<sup>T</sup>RAT<sup>I</sup>O ACADEMICA,

De

USU COGNITIONIS  
INSECTORUM,

Qvam

Consensu Ampl. Facult. Phil. in Reg. Acad. Aboëns.

PRÆSIDE

CAROLO FRID.  
MENNANDER,

Scient. Nat. PROFESSORE Reg. & Ordin.

Publico examini modeſte ſubmittit

CHRISTIANUS BØRRUND / O.B.

Med. Stud.

In Audit. Maj. ad d. XXI, Nov. Ao. MDCCXLVII.

l. h. a. m. folitis.

---

---

A B O Æ ,

Excid. JOH. KÆMPE, Reg. Acad. Typ.

ENTOMOLOGORUM PRINCIPII,  
**CAROLO LINNÆO,**

Archiatr. Reg. Med. & Bot. Prof. Upt. Acad. Imper.  
Stockh. Monspel. Berol. & Upl. Socio, hujusque  
Secretario.

**T**um iterum expetunt, Nobilissime Dn. Archiater, telam benignissimam, quam sapienter ante experta sunt, animalia, que perversa ingenia tantquam minutias & quicquidias naturae extra omnes limites cognitionis humane rejeicerunt. Contra quas insultationes eo majori fiducia ILLUM desiderant patrocinium, quo certius est, quod TE potissimum vindice bodie in eo conficiantur fastigio, quo per omnem orbis statem antea nunquam ascendere potuerunt. Cum vero hoc a TE obtineant, neque eum despiciant, qui eorum utilitates tevi hoc inclusit fasciculo, summaque eum TIBI offert devotione; nihil enim aliud habet, unde magna illa, quibus a TE anctius est, beneficia, rependat, prater vota sanctissima ad aeternum Numen pro ILLA incolumitate, quae fundere nunquam intermittit.

NOBILISSIMI Dn. ARCHIATRI

Humillimus seruos

CHRIST. BODENKUND.


## Til Herr Auctoren

HVart enda ting som jorden bär  
Til alla delar visat,  
At det med vishet skapat är,  
Och HErrans godhet prisat.  
Den det räte ser, han loswa bör  
Wår Gud, som alla stunder  
Mot os heldt mildt och nädigt givit,  
Gåmväl i synbar under.  
Bland sika under mattar små  
Sit rum nu äsven åga.  
Ej någon det kan twista på,  
Som räte wil ösvervåga,  
Hur' många prof af gagn de gie,  
Som detta märck beskrifver:  
Här får man ju med näje se,  
Hwad wärde dem omgifver.  
Som då vår Auctors flit frambar,  
Hwad myta os tildelas  
Af dessa små; hwarmot ock plåt  
Af blindhet strid ej selas;  
Så se wi äsven: Han ej spar  
At dermed liuslige visa  
Hur' han sin goda Sälla Fahre  
Wil följa Gud af prisa.  
Haf tack, Herr BGDRAKUND, för Ehr mit,  
Som tidigt sig utsprider,  
Samt mot mångt osförstånd med flit  
Och mycken möda strider.  
Eielf Himlen lätter Eder så  
I Nåd och Samling grönsta,  
Samt ständigt Sällhet niuta så,  
Långt mer, än jag kan önska!

ANDREAS HÄLL  
Magister docens.

## L. B.

**N**E huic omnino favorem tuum detrabis l. b. juvenili operi, ob  
 materiam quam tractat minus frequentem. Ita enim  
 eredidi, magnalia naturae etiam in minimis dignissima esse  
 contemplatione. Major scientiarum lux nuper exorta, et  
 iam bos naturae campos, ubi delitescunt insecta, nitido illu-  
 stravit jubare. Integra eorum agmina jam sunt descripta &  
 delineata, usus etiam, qui ex iis in vitam communem redundat,  
 expositi sunt; Tam alios in fines, quam ruditis vulgi caussa, qui  
 Creatoris operibus inspectis, crassa manu arripere nistitur  
 sensibilia commoda, & que ventri corporique convenientia, non  
 vero scit, que altioris fastigii sunt, & decent mentem  
 immortalem, qui altiores usus, iis tantum reservati sunt,  
 qui lucentia illa vestigia a creaturis ad Creatorem du-  
 centia, sequuntur, & in via non adherent trivialibus de-  
 tectoribus, nec deflectunt a portu, omnibus concessa,  
 paucissimis pervio. Nos in praesenti dissertatione collegimus  
 plurimos usus insectorum. Ante nos, hoc idem tractarunt  
 argumentum, Viri magni nominis, Linnæus præsertim,  
 De Geer, Rajus, Wolffius, Derrhamus, Lesserus  
 & Reaumur, quorum vestigia premere nobis gloriosum  
 duximus. Et cum infinitum in hac scientia adsit scribendi  
 spatum, quod exhaustire multæ etates non valent, varios  
 insectorum usus aliunde etiam conquisivimus. Neque Te of-  
 fendant heic allata damna & superstitiones commisse cum  
 insectis. Ex uno vel altero nevo totius rei maiestas &  
 splendor visum fortius ferit, & major exsurgit estimatio  
 pulchritudinis.



§ I.  
USUS THEOLOGICUS.

**N**on sine justa indignatione cogitari potest, qvam fastuoso supercilio maxima fere hominum pars *insecta*, deque iis cognitionem, pertranseat, tanquam a se prorsus abhorrentem; cum tamen ea, æque ac omnia cætera creatæ, prodant & celebrent millenis lingvis, Creatorem immensum. Qui inscitæ nubes, oculorum circumdantes aciem, depellere noverit, & vel tantillum supra vulgus sapere voluerit, in his tam abiectis, tam exiguis animalculis, ingentem deprehendet Divinæ sapientiæ vim. Eorum mira Geconomia, metamorphoses, corporum structura, eorumque vita genera diversa, tantis abundant miraculis, ut nihil efficacius sit, ad acuendam semper de Numine perfectissimo hebescentem convictionis aciem. Vis iis inest, qvæ ab otioso & langventi torpore, in quo hædere desiderat vana mens, assiduo nos reducere tentat, & lampade Phœbea viam monstrat ad Auctorem, qui per tales rivulos emisit radios suæ majestatis, splendida luce coruscantes, qui cujuscunq; visum illustrare valent, & mentem elevare ad eum, qui omnia tam pulchre ordinavit. Omnibus sensibus haurire licet hæc



myste-

mysteria. Ad summi Numinis agnoscendam immensitatem, uno impetu nos pellunt, quis crederet? haec tam despecta animalia. Quam male itaque sibi consilunt, qui reluctante natura, & conscientia remordente, sensus claudunt, ne percipient signa haec clara, arguentia Creatorem? Inviti in hoc Naturæ regno Divinitatis apicem deprehendunt, qui lubenter vellent esse athei, & anxie querunt vel unicum, quod desiderio eorum annuat, vestigium: & nescio, an pertinacia eorum validioribus frangi possit argutensis, quam ex insectis petitis? Si itaque horum animalculorum cognitione hanc in mente hominum excitare potest circumspectionem, ut iis, qui cognitionem summi Numinis habent, semper calcar addit ad eam dilatandam, & pergendum in præclaro hoc stadio; eosque, qui Deum præfracte negare vellent, de falsitate opinionis convincat, & in veram ducat viam; in eorum denique mente, qui non genuinam ex gentili inscitia de Numine ideam sibi formarunt, vi retrogradæ conclusionis ab effectu ad causam, excitet latentem de mundi conditore pervasionis scintillam, utique sanus quisque insectorum usum prædicare tenetur incomparabilem. Neque potest quis haec animalia dicere inutilia, nam Creatorem usu vacuum nihil creasse, singuli confitentur; aliun vero usum ultimum, quam ejus gloriæ manifestationem, non admittitus; in statuta ergo Dei contumeliosus esset, qui cognitionem hanc non necessariam venditaret; qui enim nos creavit, idem illa abjecta animalia condidit. (4) Et si vile ei non sit, ea omnipotenti providentia sustentare, neque a nobis alienum erit, ea exhibere ad tam præclarum finem, quem eorum intendit creatione. Nam ni hoc

a nobis fiat, flagella erunt, qvibus nos severissime  
punit, ita ut vel inviti, ad hæc tam nulla, qvibus  
tamen nulla vis nostra resistere potest, respiciamus.  
Civitates ea devastare jubet; ita in Africa quandam  
urbem a locustis pulsam, & citra Cyanus olgos Aethio-  
pas late desertam fuisse regionem, a scorpionibus gen-  
te sublata; a scolopendris quoque abactos Trierenses,  
perhibet Plinius. (b) Vilissimi crabrones expulerunt  
Cananæos, & regionem pararunt Israelitis Exod. 23.  
v. 28. Nihil tentandum esse contra supremam pote-  
statem, nos admonent hæc animalia, nam ejus jussu  
statim in extremam nostram perniciem armata proce-  
dunt; potius vero humilitatis præcepta, qvæ nobis  
pandunt, ut agnoscamus irritatam Dei vindictam gra-  
uem esse, devota excipiamus mente. (c) Immo, ut  
eo fortiora essent nobis hæc animalcula considerandi  
motiva, placuit ei, qvi nos & illa creavit, inter mi-  
racula sua numerare tria illa *insectorum* genera, qvibus  
Pharaonem inundavit. Adhiberi etiam voluit Deus *mel*  
primitiarum loco, qvod ex adorantium manu, placi-  
dus excepit. Levit. 2: v. 11, 12. & 2. Chron. 31: v. 5.  
Ad propagandam fidem Christianam interdum Numen  
*insectorum* usum fuisse, volunt Missionariorum relationes.  
Ita asserunt, jussisse Omnipotentem inexplicabilem *grylo-*  
*lorum* copiam inundare villam quandam Sinensem;  
qvo facto populus Missionarii ibi tunc forte præsentis  
efflagitavit opem, ut pestem abigeret; cuius voti cum  
factus esset compos, ea conditione, ut fidem veram  
amplecteretur, securus a malo, & reallapsus ad priora  
vitia, iterum obductus est animalculis illis. Arguunt  
tum & increpant invicem infidelitatem, & denuo Pa-  
tris ope liberati, sincere nomina Christo dederunt. (d)

Quantum ad rite intelligenda & explicanda plurima loca S. Scripturæ vera cognitio *insectorum*, conferat, non fuse dicam; Hoe enim concludi potest ex analogia totius Physices, qvæ ad intelligendas metaphoras aliasque locutiones S. S. requiritur, & ex gravissimis & fere impiis erroribus, qvibus sensus Spiritus Sancti, qvo tamen clarius nihil, oneratus fuit, ex defectu cognitionis *insectorum*. Cui rei præbet exemplum historia de cadavere leonis a Samsone cæsi, in qvo post aliquod temporis, examen *apum* invenit Heros, unde illi, qvi generationis æqvivocæ opinione fuere fascinati, hoc ex carne putrefacta ortum voluerunt: (e) cum tamen multi ex accuratiорibus Philologis contendant, demum post annum reversum fuisse Simsonem, adeoque apes non in carnibus putrescentibus, sed sceleto Leonis invenisse. Huc spectat error Malebranchii, doctissimi viri, qvi in metamorphosi *papilionum* se analogiam deprehendisse credidit pulcherrimam resurrectionis corporum nostrorum; qvæ tamen opinio debili nititur fundamento, cum notum sit, erucam nihil aliud esse, qvam papilionem vestimento vel larva quadam circumdatum, ejusque transformationem, rem quidem in tota rerum natura maxima dignam admiratione, nihil tamen aliud esse, qvam exterioris cutis depositionem; neqve disperguntur ex corpore papilionis laryati ullæ partes, nec subit putrefactionem & particularum solutionem sicut nostra corpora, si salvus & integer exurgat. (f) Ex hisce tatis patet, quantæ sit necessitatis cognitio *insectorum*, qvæ ejusmodi detegit & profligat errores. Sed & hæc qvodammodo excusanda essent; perversitas enim humana ad longe deteriora delapsa, ex cæco amore in hæc animalia

malia vel timore eorundem, superstitionem, inno  
 idolatriam suam illis nutritivit. Athribitæ araneas pro  
 diis habuerunt. Ægyptus, omnis idolatriæ mater, in  
 ter deos numeravit etiam *insecta* omnia, & quæcumq[ue] primum obviam venerunt. Incolæ regionis Ango  
 læ *muscam* chrystallo inclusam divino prosequuntur ho  
 nore. (g) In Nigritia genus *formicarum* colore al  
 bo, idolis includitur & adoratur. (b) Memorabile est,  
 quod de infelicissimis Capitis B. Spei inhabitatoribus  
 narratur, eos nimirum captos esse superstitione reli  
 gione *insecti* cujusdam coleoptrati, cui sumمام prae  
 bent venerationem, quam primum se conspectui dat.  
 Si villam intraverit, excipiunt animal cantu & saltat  
 tione, spargentes interiorem aulam villæ pulvere Spi  
 reæ. Per ovum litant. Huic *insecto* inest credunt for  
 tunam, remissionem peccatorum, & extraordinariam  
 benedictionem, quam villæ apportat. Si cui eorum  
 infedit, ridiculis illum ceremoniis, ut sanctum vene  
 rantur. Nunquam bestiolam laedunt. Si possunt, proprio  
 vitæ periculo eam liberant ex interitu; & existimant,  
 ea imperfecta, feras tunc jumenta eorum occidere,  
 quodque ipsi viri, feminæ liberiique infelici intereant  
 fato. Infautam ducunt villam ubi raro videtur;  
 huicque adhærent opinioni tam arête, ut prius vitam,  
 quam minimam partem nefastæ religionis ponant. (i)  
 Athenienses ad declarandum, quanti fuit illis Apollini  
 s veneratio, quo solem subintelligebant, in crini  
 bus parvas, pictas, auratas imagines *gryllorum* por  
 tarunt, hæc enim consecrata soli fuerunt animalia. (k)  
 Guineenses credunt de aranea miræ magnitudinis, quæ  
 in eorum regione reperitur, & Ananse appellatur,  
 eam creasse primos homines, summagve pertinacia  
 huic

huic adsistunt insanæ, præsertim ii, qvibus non licuit  
multum cum Europæis conversari. (1) Consecranteis  
ad orgia Mithræ, necessarium fuit, ut cum iniciarentur,  
mel vice aquæ manibus adfunderetur, quo signi-  
ficabant, manus servari puras debere. (2) Et *Lampyridum*  
pinguedine ungunt Indiani insulas Caribes inhabitantes,  
suis diebus festis, qvos nocturno tempore colunt, fa-  
ciem & pectus, unde, tanquam flammis flagrarent, lu-  
cent. (3) Eodem prorsus modo peccarunt illi, qui  
dum cruciati fuerunt nocivis *insectis*, idola, falsosque  
invocarunt Deos, ut opem ferrent. Casi montis inco-  
lae adventum avium Seleucidum impetraverunt a Jove  
precibus, fruges eorum *locustæ* vastantibus: & Cyre-  
naici Myagron Deum invocarunt, *muscarum* multitu-  
dine pestilentiam adferente. (4) In horum vitiorum  
numero colloquendæ sunt superstitiones cum *insectis* com-  
missæ ab illis, qui plus quam licitum, attenti fuerunt  
in horum animalium speciosiores nonnullas proprie-  
tates. *Pediculum satadicum*, mortis esse nuncium & *Te-  
nebrionem* (Faun. Sv. 594.) intra domos ambulan-  
tem, existimatur. Notissima sunt e *gallis* hausta vatici-  
nia, in qvibus si muscae nascantur, bellum eo exspe-  
ctandum esse anno: si araneæ inveniantur, annum fo-  
re pestiferum & contagiosum, conjectant: si vermis in  
iis sit, annus designatur bonus: si nihil illis insit, ex-  
que humidæ intus, annonaæ caritate & pluvia nimia  
annum fore notabilem. *Apum* cultura, quando mi-  
nus felix fuerit, ita ut avolent, vel juiores reginæ  
veteres occidant, a rusticis Bahusæ triste belli habetur  
omen. (5) Et si tempore belli *apes* infedebant signis  
& vexillis, cladis id esse prælagium antiqui somniarunt.  
(6) Existimatum olim fuit in Svecia, *formicas* in  
poma-

pomariis regum habitantes, dum intestina bella geserunt, præfigivisse eventum abbreviandi imperii regum, qvod reges a plebeia multitudine vel occiderentur vel expellerentur. (r) *Populus Britaniæ minoris* ut præcursorem morborum epidemicorum vel iniqui fati respicit *papilionem* ibidem frequentissimum, qui in pectore ornatus imagine crani est, & id singulare ei accedit, qvod clamorem qualemcumque funebrem & plangentem edat, quando ambulat. (s) *Usurpatum* est, ad liberandas arbores per totum annum ab *erucis*, ut die paraseeves ante solis ortum quassentur. Tunetani ad averruncandum lethale *scorpionis* venenum, vel secum portant, vel superliminari portarum cuiusque domus, affixam habent quandam membranaceam schedulam, quæ certa aliquot nomina arabica continet, & sigillis, quinqvangularibus rebusque aliis munita est. (t) Sæpe *monoculi* aquæ superficiem, colore tingunt sanguineo, vel fluviorum stagnationem adjuvant, qvod credulus statim vulgus, grandia mala denotare existimat. Interdum sanguine pluit, qvod sæpe cauillam agnoscit *insecta*, quæ, præcipue papiliones, dum primum e chrysalidibus erumpunt, semper liqvorem coloratum e corpore emittunt, siqve anno quodam abundaverint papiliones emitentes has guttulas rubras, facile insolita res, admirationem & timorem populo infundere potest. (u) Quædam *gryllorum* species ea est indole, ut primarios duos pedes unum contra alterum applicet, se erectum tenendo, unde homines fecerunt insectum devotum & Deum orans, estqve de eo memorabile, qvod rogantibus viam, illam uno pede monstrat: unde appellatur a populo Provinciæ Preguedieu. (v) Eadem fere sunt, quæ de apibus affirmantur, neminem audere

audere accederet ad alvearia, nisi primum subierit examen suæ conscientie; sunt enim animalia virtuti dedita, quæ virtuosos homines distinguunt & amant. (x) His addo ridiculam Metempsychoseos phantiam, quæ olim multæ gentes & ipsi philosophi ægrotarunt, & hodie adhuc Javanenses & Baniani Indiæ, ita ut ne minimum quidem animalculum volentes occidant: immo nonnulli ne quidem candelam accendunt vel ignem, timentes, ne papilio vel mulca se in eo comburat. Huc referenda est nimia illa clemencia, quæ *insectis* præbetur, præsertim a Turcis, qui nullum scientes interficiunt, multa etiam nutriunt *insecta*, stipendiaque illis tribuunt annua. Ab his non multum discedunt illi, qui vel nimio contemtu *insecta* prædicant nudas machinas, eorumque corpora nullo interno principio volvi: vel nimia admiratione ea in sublimiorem, quam fas est, tollunt gradum, puantes iis rationem seu Divini doni particulam inesse, ad quæ gemina extrema facile stupida ingenia seduci possunt. Nam in hos & supra allatos errores Divinæ gloriæ obicem ponentes, non alii dilabi possunt, quam rationis incapaces, adeoque etiam ad comprehendendum, quam immensus in operibus Creator sit, hebetes.

(a) Linn. orat. de propr. ins. p. 90. (b) Plin. lib. 8. c. 29  
 [c] Barth. de culic. c. 3. §. 5. (d) Le Comte Heut. Sina. P. 2. p. 162 [e] Redi de gener. ins. p. 83. s. f. (f) Reaum. l' Histoire des ins. Tom. 2. P. 2. p. m. 62. (g) Apron. Reis. p. 38. (h) Hybn. Nat. Lex. p. 79. (i) Kolb. comp. descr. C. B. Sp. p. 98. [k] Roff. von relig. p. 676. (l) Bosm. Reis nach Guin. p. 177. & 383. (m) Beyer, in addit. ad Seld. Syntagma de Ditis Syr. p. 261. (n) Hybn. l. c. p. 1181. (o) Plin. Lib. 10.

9

c. 27. & 28. (p) Kalm. Babus. Res. p. 179. (q) Flor.  
l. 2. c. 6. & Lucan. Pharsal. L. 7. v. 161 (r) Ol. Magn.  
Histor. G. S Lib. 22 C. 5. (s) Reaum. T. 1. P. 1. p. m. 373.  
& T. 2. P. 2. p. m. 49. (t) Redi. l. c. p. 130. (u) Reaum.  
T. 1. P. 2. p. m. 380. (w) id. T. 1. P. 1. p. m. 23. (x)  
id. T. 5. P. 1. p. m. 272.

## § II.

### USUS MEDICUS.

Summam Medicinæ addit cognitio *insectorum* utilitatem; 1:o In *Anatomia*, ex eorum corporis structura, concludi possunt plurima ad humani corporis fabri-  
eum, vel si theoriam motus musculorum & membro-  
rum, vel si liqvorum per vasa circulationem, vel si  
partium sicut ad se invicem spectes; præstantque certe  
eundem semper usum, quem anatomia cæterorum a-  
nimantium, ad illustrationem hujus scientiæ confert.  
Lesserus occasionem cepit, demonstrandi, sanguinem  
non regredi ex extimis terminationibus arteriarum in  
venas ex *acaro* Indiæ Orientalis Nigua appellato, qui  
dum cutem pertransit, Indiani tenerimum aculeum  
per cutis adigunt poros, illo in loco, ubi hospitium  
habet animal, cumque hoc aculeo glandulam undique  
que solvunt, ita ut extrahi possit cum *insecto*, quam  
per microscopium intuentes, animal in medio ejus ha-  
bitare vident, & in ea cernuntur duo sape etiam tria  
punctula rubra, seu apices arteriarum, si ergo regre-  
deretur sanguis per fines arteriarum in venas, a se  
invicem nunc manifeste distantia puncta rubra, tunc  
cohærent seque tangerent. (a) Sed longe major  
est usus *cerae*, cuius ope deteguntur minima corporis  
vascula, & ramifications arteriarum & venarum, dum

B.

artifi-

artificiose præparata infunditur majoribus vasculis, qvo facto se ob tenacitatem suam usqve in minima penetrat, & tincta vario colore apices vasculorum eleganter & distincte detegit & repræsentat. Eo processit ingeniositas Desnoes, ut ex cera fixerit totum corpus humanum, cum omnibus nervis, ossibus &c eadem extensione & situ, ac in natura gaudent; ut vix distinguere possis tale factitium corpus a naturali: quod optime iis conduit, qui cadaverum tractationem ferre non possunt; Prælectiones enim Parisiis, supra hæc cereacea corpora habentur. (b) Huc pertinent cadavera humana cera infusa conservata, qvæ in Theatris Anatomicis omnibus hodie ostenduntur. Persæ ceræ includabant defunctos, & per longum temporis spatiū servarunt inviolatos. 2:o In Pathologia est cognitio insectorum summae necessitatis, illa enim qvæ causas morborum dabit, effecta & actiones in corpus nostrum, agnoscit vel conjectando asseqvitur, longam morborum seriem, ut scabiem, pestem, morbillos, variolas, febres petechiales, purpuram, erysipedam, cancerum, comedones, tantum ex insectis provenire. Reaumur existimat, in aëre volare infinitum numerum muscarum, qvæ, cum respiratione haustæ in pulmones, vel cum cibo in ventrem, putrescent, multasqve causant calamitates, unde & nonnulli anni earum fœcundissimi magis notabiles sunt morbis epidemicis. (c) Gryllos pestem excitare posse, historiarum monimenta docent, id in Gallia contigisse fertur anno Chr. 873. ubi postquam omne gramen & ipsos cortices arborum devastarunt, in mare deinde Britannicum, a valido vento conjecti & submersi, cum fluxu ad littora rejecti, putrescentes, pestem in vicinis regionibus

11

gionibus excitarunt. Qvod etiam in Africa olim con-  
tigerat. (d) Et qvis adhuc detexit cæterorum mor-  
borum cauſas? forsan dies docet, plures ex *inſectis* pen-  
dere, qvam vel imaginatione nunc fingere poſſumus.  
Unusqvisque tamen videt inevitabilem Entomologiæ  
culturæ necessitatē, qvæ copiam præbet, Patholo-  
giæ intentius indagandi; cum tamen hodierno tem-  
pore propter *inſectorum* contemtum, qvæ volentes,  
tales obſervationes negligamus. Detegit & Patholo-  
gus, entomologiæ ope, plurimos morbos venditari,  
tanqvam ex *inſectis* provenirent, cum tamen ille, ful-  
tus cognitione naturæ animalium horum, impossibili-  
tatem rei evincat: ut vermes abdominis fallo adſcri-  
pti muscis: & scolopendræ, grylli, scarabæi aliaque  
inſecta ex hominibus exereta. (e) 3:0 In Therapeutica  
præclaro uſu innotuerunt inſecta, validaqve in iis ha-  
bemus morborum remedias; e qvibus nonnulla proba-  
tiora, fide medicorum, enumerabitus. Ex Coleopteria.  
ſequentia habemus: *coccinella*, adhibetur contra colicam,  
calculum, febres inflammatorias, ſpeciatim pleuritidi  
convenit, ſangvinis fervorem compescit, arenulas ex-  
pellit, contra imbecillitatem, cruditatem, ruetus, co-  
ctionis vitium, & diarrhœam valet. Adiunt hæ in decocto  
febrifugo, & decocto varioloso, in pilulis ictericis,  
in elexiri cathartico, in tinctura alexiteria, in tin-  
turiſtis ſtomachicis, & in vino ſtomachico. Pilulae coc-  
cinellæ addito melle & croco alexipharmacæ ſunt,  
& in febribus malignis adhibentur. *Forſiculae* oleum  
corroborat nervos, contra convulſiones & ſpasmos,  
cum eo tempora unguntur, aures, nares & carpi; a-  
refactæ & pulverisatae ſurditatem tollunt. *Cervi* volan-  
ti cornua & oleum infuſum in uſu ſunt. *Gryllus* (Faun.

Sv. 621.) verrucas manus præordet, & evomit in vulnus liquorem, unde verruca contabescit. *Cantharides* ingrediuntur essentiam, quæ constat cantharidibus & spiritu inflammabili, adduntur ad tincturam Tartari compitam, sunt specificæ & diureticæ, caute tamen utendæ, emplastrum e fermento panis, gramine euphorbiæ & cantharidibus est vesicatorium, utuntur illis in locis ubi dolor est, ad aperiendos poros, & meatum parandum aliis fluidis: sale multo volatili subtilissimo constant, in capitis, aurium, dentium, & oculorum doloribus usu sunt magno; interne sunt stimulantia. *Ex baemipteris.* *Cocbenillæ* pulverilantur, infantibus formanturæ guttatim dantur, in stranguria, nephritide & colica usum habent. *Alkermes* confectione cor corroborat, contra apoplexiæ. *Succus vero e kermes stomachum,* flatus discutit, spiritus reficit; in electuario & pulvere, analepticus est, nutrit, roborat, vires instaurat, cardiacus est, & contra abortum utilis. *Pharmaceutici nonnulli succo espresso e cocco loco kermes utuntur,* ad confectionem alkermes, pari cum comodo. *Ex Gymnopteris.* *Tipulæ larva* (Faun. Sv. 1150.) utuntur rusticæ Smolandi in tussi ferina. *Bombyx* pulverisatus calvariæ superimpositus vertiginem & convulsionem prohibet. *Sericum crudum* olim in usu fuit in diarrhæis, dysentericis, & morbis malignis, leviter tostum & pulverisatum. *Vermis narium caprae* tanta fuit vi ad destruendam epilepsiam, ut etiam Delphico oraculo hoc indictum primum sit. (f) *Formicæ* dant spiritum inflammabilem, qui mense Junio destillatur ex toto myrmecio, cum spiritu vini rectificato, qui eo fortior evadit, si denuo cohobetur. Interne est roborans, analepticus, aphrodisiacus, stimulans, stomachalis, contra

tra apoplexiā, externe acustico nervinus, in rheumatismo, atrophia, & additur ad aquam magnanimitatis, balneum ex myrmecio, in apoplexia, convulsionibus, paralysi, corroborans est. Cerevisia antiqua, in qua formicæ coctæ, a rusticis Savolaxiæ laborantibus febre intermittente hauritur, pellit febrim, eo, quod vomitura causset. Spiritus formicarum contra hydropon & scorbutum valet; oleum earum externe in oculorum passionibus. Calefaciunt, siccant, & acetosus easum odor spiritum reficit. Liquor ex ovis per digestionem usu est insignis. Resina, quæ in acervo reperitur, potest ob fragrantissimum odorem, thuris loco haberri. Nova Granada formicas insigni magnitudine alit, quæ gaudent vi pellendi calculum & arenam. (g) Muscae solvunt, aperiunt, sunt crinifacæ, aqua earum in visus morbis. Vespaæ calculum pellunt, ut & Bedeguar, seu earum nidos. Apum cineres accedunt ad unguentum crinifcum. Bombylii sal habent volatile, crinifici sunt, si aliquantum exsiccati, pulveris forma, capiti inspergantur. Gallæ adstringunt: contra diarrhæam, dyenteriam, calculum & scorbutum usurpantur: gallæ cardui contra hæmorrhoidam. (h) Gummi Laccæ tinctura in curandis vitiis gingivarum, oris & dentium in scorbuto: interne in arthritide, rheumatismo lentioni, scorbuto inertiori, leucophlegmatia, hydrope adhibetur: habet odorem gratum, amarorem cum adstringentis indicio satis placenter, roborandi virtutem indicans. (i) Pulvis vim sistendi urinam sanguinem habet, & contra hæmorrhagias quascunq; valet: lacca in ramulis hæmorrhagiam narium aufert. Cereræ butyrum unguentum est mollissimum, agodynum, neuroticum, emollientissimum, laxans, illitu suo contracta

tracta membra juvans, cutim contra rigiditatem arti-  
 dam, fissilem, frigidam, hyberniam, felicissime defen-  
 dens. hæmorrhoidum asperos dolores lenit. Oleum ce-  
 ræ remedium est incomparabile ad mala papillarum  
 nervosarum, qvæ in cute extrema occurunt; in eu-  
 randis fissuris labiorum hybernis, in fissuris papilla-  
 rum in lactantibus, in ditorum manuumque rhaga-  
 dibus, vix sui simile habet. Ad tumores frigidos hy-  
 bernos, faciem, digitosque infestantes, discutiendos, lo-  
 cum habet inter medicamina. Ad tendines contractos,  
 hinc obrigescentes articulos, cum balneis, fomentis,  
 motu, valet, flexilitatem restituendo. Abdominis cerebra  
 inunctio facta de hoc oleo, ad strictæ alvo lubricita-  
 tem conciliat: hinc ad infantium morbos percuran-  
 dos utile est. (k) Cera matrix est omnium empla-  
 strorum & ungventorum, cera sic dicta propolis odo-  
 rem aromaticum & delicatissimum spargit. Mel habet  
 vim attenuandi, detergendi, laxandi, stimulandi, &  
 virtutem saponaceam, aqua mellis balneo ebullientis  
 aquæ parata, utilitate est in collyriis, & fomentis, o-  
 culo inflammato, aut obstructionibus laboranti. (l)  
 Mel est purgans, aperiens, evehens, pulmonibus con-  
 ductit, obscuros oculos juvat. Ad clysteria adhibetur:  
 aqua e melle destillata in oculorum passionibus, cri-  
 nificationem juvat: in cataplasmati adest. In usu est  
 in angina & pectoris infirmitatibus: luteo colore tin-  
 gi possunt erines ejus ope. Hydromel est diureticum  
 & pectorale. Apres seqventia usu gaudent medico:  
 Scorpio contusus vulneri suo superimpositus id curat,  
 vel ejus oleum. Adhibetur cum successu contra cal-  
 culum & arenulas: viscerum spasnum dissoluit: foeces  
 induratas emollit, intestina exonerat: & in unguento  
 renas

renali adest, ad dolores nephriticos levandos. *Scolopendrae*  
 parvæ; in ictero flavo & urinæ obstruktione utio  
 liter adhibentur: scolopendræ venenatissimæ Indiae, in  
 oleo conditæ, morsum a se commissum curant. *Tar-*  
*rantula* occidatur statim post morsum, & vulneri im-  
 ponatur; ni hoc fiat, per aliquot annos saltationem suam  
 subeat vulneratus, anxietatem, angorem & furorem  
 sentit, saepe etiam dira morte opprimitur. *Araneæ* ni-  
 triam sanguinationem retardant: cum iuvinapi & aceto  
 mixta in dolore capitis proficuae sunt, aranearium te-  
 la cum sacharo & recenti non sale imprægnato buty-  
 ro, in vulneribus: accedunt ad emplastrum febris fugientis  
 Strobelbergeri araneæ & earum retia. *Millepedes* plus  
 salis volatilis habent, quam ullum aliud animal: di-  
 gerunt & aperiunt bene: dant pulvrem & essentiam,  
 haec constat e millepedibus, primum in vino suffocatis,  
 & deinde siccatis: adduntur ad tincturam tarrari com-  
 positam, & pulvrem antihydropicum, & ad pilulas  
 nephritis: uui sunt in ictero, tussi ferina, arthritica,  
 pituita, hydrope, affectione hypochondriaca, scro-  
 phulis, asthma, cancro, phtisi, visus debilitate, ad com-  
 parandam cutis venustatem, & colorem faciei elegan-  
 tem conservandam & revocandam: sanguinem calefa-  
 ciunt, attenuant, depurant, obstrukiones referant. *E-*  
*remita*, caudam habet mollem, quæ soli exposita in o-  
 leum resolvitur, Indiani animal capiunt, per caput  
 filum ducunt, exponentes id soli, destillat ex eo o-  
 leum, infallibile remedium ad solvendos catarrhos arti-  
 cum, & sanandum vulnera recentia. (m.) *Centro-*  
*rum* oculi contra affectus nephriticos vim possident,  
 dentibus nitorem conciliant: oculos quisq[ue] viliis depuro-  
 gant: contra colicam adhibentur: sunt absorbentia: pue-  
 ris

ris præsertim conveniunt: pulvis oculorum cancri; cruores liquorum fundit: materiae febris secretio-  
nem promovet: dolorem tollunt oculi punctorum & tussiculam, adhibentur in potu ad febrem vulnera-  
riam & in pulvere pleuritico: in hæmorrhagia na-  
rium, hæmoptysis; pleurite spuria; scorbuto, anore-  
xia, soda, variolis, epilepsia, asthmate, gestati de col-  
lo dentitionem facilitant; in dysenteria, hydrope, dysu-  
ria, gonorrhæa virulenta adhibentur. Jusculum ex gama-  
ris & canceris sumam edulcorandi vim possidet, stranguriæ  
acrimoniam tollit; in febre hectica & sanguine acri,  
magni est usus. Testæ cancerorum in dysenteria. Cinis  
cancerorum ad dentes cariosos & sordidos. Pulvis e  
chelis cancerorum ad cordis tremorem & syncopen:  
decoctum ex chelis in empyemate. Succus cancerorum  
in inflammatione renum & dolore lumborum, ad pedum  
a frigore scissuras, in inflammationibus, ambustionibus, ar-  
ticulorum doloribus, ad aquam manantem ex articulorum  
vulneribus: in cancro curando, ad aurum vulnera, ad fa-  
cilitandam dentitionem, & demulcendos maniacorum fu-  
rores. Ad dolorem capitis calidum, morbum Hungaricum,  
phrenitidem & tabem pneumaticam utuntur Medici  
cancris. Unguentum pectorale ex canceris paratur, qui  
adhuc vivi ab intestinis depurgantur, & in minima fru-  
stula secti, & cum stamine contusi, coquuntur teste, ho-  
rulae spatio, in butyro non diluto neque sale inqui-  
nato, & deinde percolantur. Reperiuntur in China in  
lutoso quodam loco vi petrificandi donato, Gamari  
petrefacti, qui usurpantur in febribus, pleurite, cal-  
culo & erysipelate. (n)

(a) Ins. theol. p. 375. (b) Trew. om. Bl. p. 96. (c) T.  
A. P. 21 p. m. 192. (d) Miffom. Ital. Reis. p. 886. cnfr.  
Frisch.

Frisch. T. 9. p. 15. (e) Frisch T. 11. p. 20. & T. 5. p. 5.  
 conf. Derrh. Phys. Theol. Lib. 8. c. 6. nos. 12. 13. (f) Reaum.  
 I. 4. P. 2 p. m. 347. (g) Rarit. Cabin. p. 195. (h) Reaum.  
 I. 3. P. 2. p. m. 233. (i) Boerb. Chem. P. 2. p. m. 200.  
 [k] id. ib. p. m. 136. 137. (l) id. l. c. p. m. 144. (m)  
 Hybn. l. c. p. 504. (n) dissert. de flaviat. astaco. bab. Ups.  
 1715. 4:o p. 18.

### § III.

## USUS OECONOMICUS.

**S**l exiguus esset usus entomologiæ in cæteris vitæ humanae statibus, certe in œconomia eo majori abundantia hunc compensat defectum. 1:o ad viatum insecta nonnulla pertinent, consuetudo enim sola nos absterrret ab illis, ne etiam ea satisfaciant delicato nostro palato. *Cancris*, *sqvillis* & *gammaris* cum appetitu vescimur. Brasilienses ad ostium fluvii Amazonis præcipue *cancris* vivunt; (a) ut & incolæ plurimarum insularum Indiae Occidentalis (b). Indiani formicæ assant, pipere aspergunt, & tanquam delicatum quid edunt. (c) In Americæ regione Nova Granada, formicæ ad digitæ articuli longitudinem reperiuntur, quas Panches, natio quædam pauperissima, tanquam delicias edit. (d) Lappones inter obambulandum baccarum instar edunt corpuscula ad apices ramulorum abietis excrescentia, farinam continentia, quæ sunt *insectorum* producta. (e) *Eruca* quædam scarabæi in insulis Americæ est hominibus in cibo; & Indorum rex quædam erucam igne rostam secundis mensis adhibebat. (f) Incolæ Carolinæ delicias ponunt in junioribus *vessis*, cum adhuc in favis jacent, & nondum volare

possunt. (g) Pars quædam Æthiopum locustis tantum vixit, uti fertur, fumo & sale duratis in annua alimenta: & Parthis in cibo gratae fuerunt. (h) Cicadam ejusque nympham Græci consumebant. (i) Hodie adhuc incolæ insulæ Bachi Indiæ orientalis, gryllos comedunt, quos retibus capiunt, & assant super ignem. (k) Regio Tonquin abundat mense Januario & Februario gryllis, qui ab incolis capiuntur, & sale conditi asservantur, a pauperibus & dicitibus. (l) S. S. etiam docet, Johannem Biptistam sustentasse vitam melle sylvestri & gryllis, quod licet nonnulli in dubium vocare conati sint, plantam existimantes necio qualem designatam nomine locustæ, (m) nos tamen rationem majorem habemus conjecturandi, gryllos fuisse, ex eo, quod licet fuerint Judæis, tanquam animalia ruminantia & bifidis pedum extremitabus. (n) Nonnulli araneis adsuecent, ut pulmentum in iis deprehendant. (o) Araneæ insignis magnitudinis in Pensylvaniæ littora ejiciuntur e mari, quæ coctæ saporem præbent delicatissimum. (p) Gallæ Salviæ Constantinopoli venduntur in foro instar fructus: & hederæ gallæ circa Lutetiam Parisiorum hominibus escam præbent. (q) Plinius refert Cossos seu larvas Scarabæi (Faun. Sv. 340.) in cibo fuisse nonnullis. (r) Antequam sacharum inventum fuit, mel ejus supplebat vicem, multo eo salubrius, abundant enim illud calcareis particulis. In Anglia ad sanitatem pertinere infantum existimatur, iis dare jentaculi loco, panem melle illum. (s) In Germania & aliis regionibus panis e melle paratur, optimi saporis. Conficitur e melle sic dictum mulsum, & vilioris potus ex eo præparatum

ratum melicratum, qvæ omniæ gustui arrident, & sanitati conducunt. Mel aptum est ad fructus condensos, qvos incorruptos per longum tempus servat, additqve iis omnino gratissimum saporem. 2:0 *Crustae insectorum aquaticorum ad agrorum fœcundationem utilissimæ sunt, in agris lutosis & argillosis, durat hæc fœcundatio diu, iisqve qvibus qviescit annis ager, efficit, ut totus tegatur plantis & gramine: In hortis optime fœcundat plantas, ex paludibus sterilibus ejus ope optimus conficitur ager.* (t) 3:0 *Ad maturandam fœcundationem plantarum variarum insecta conferre cum summo pondere rationis existimat Celeb. Linnæus; ita apes, bombytii, aliaqve dum hauriunt mel e floribus, inque eorum disco ambulant, pollinem spargunt, ut pistillum attingat.* (u) Sed alius est usus auro longe præstantior, qvem ichneumonum qvædam species reddit incolis Archipelagi Græciæ, qvorum præcipuum alimentum est fructus ficus, qvem vero nunquam abundantem & maturum carperent, nisi hi ichneumones e caprifieu seu mare, eo tempore dum floret, vel farinam edit antherarum, ea farina obducti, de ovis pariendis solliciti, evolarent ad grossos, & cavitates ficus feminæ, dolii instar clavis vel spiculis seu pistillis ab omnibus lateribus intus completas, intrarent, & farinam qva coniecti sunt excuterent, unde fit, ut ficus femina facillime imprægnetur. Qvod etiam validum afferit argumentum ad demonstrandam fructificationem plantarum. (w) 4:0 *Artes manuariae occupantur & promoven- tur insectorum nonnullorum proventibus ad utilitatem totius reipublicæ, & multorum millium hominum susten- tationem, qui hoc modo manus indefesso admovere pos- sunt operi. Vestimentis nos ornant bombyces, luxus qui-*

dem haud raro apparatu, sed in calidioribus regionibus necessario ob refrigerium, qvod leve adrovet sericum: ut taceam, id oculis plus quam gratum esse, & egregie supplere defectum lanæ liniqve. Hanc ob causam omnes de suæ patriæ salute solliciti reges, operam navarunt, ut tantæ utilitatis insecta in solo proprio colerentur, qvod jam per totam Europam effectum est vel tentatur. In Svecia privatus tentavit regia experimenta, & detexit, morum boibycesque patientissim os esse frigoris hyemalis; speratus posteros nostros hæc anim alia visuros per totum regnum communia: qvo tempore Patriæ nuper decus, Tricwald, qui glaciem primus fregit, dignissimis etiam post fata augebitur honorum titulis. Licet vero Europæum sericum non sit ea tenuitate ac illud, qvod ex Persia, Bengala China & aliis Indiæ regionibus apportatur, ad viliora tamen vestimenta adhibetur, vel cum illo pretiosiori commiscetur. Sed ad majora abiit industria humana, qvæ detexit, *aranearum* retia ad amictum commoda esse: cui tentamini licet difficultates obstent, qvod supra modum tenuia sint, qvodqve in uno loculoamento non possint sustentari plures quam una aranea, se invicem enim devorant, unde immensa esset pretiositas, longeque superaret pretio qvod ex India hoc affertur sericum; attamen superior Præses Bonn in Gallia, ausus est offerre Regi Ludovico XIV. vestem ex hac materia paratam. Dantur erucæ plurimæ, qvæ tantæ tenuitatis nent fila, ut ad sericum vel aliquod ei simile certe adhiberi possint, qualia læpe in Betulia, Pado, aliisque arboribus observamus. In Japonia quoddam tantæ elegantiæ est *insectum*, ut in mundo muliebri locum inveniat ( Salmon heutige historie. p.

2. p. 143.) Sed in arte Tinctoria haud inferior est *insectorum* ulus, optimos enim ex cæteris naturæ regnis colores certe adæquant illi ex insectis capti, nisi superent. Primum obtinet locum *Cochenilla* ex hæmipteris & forsan quædam kermes, e Nova Hispania appor-tata ad Europam infinita fere copia, in natali solo ab Indianis culta in frutice opuntia; pictores nostri cum aqua forti, extrahunt ex ea colore coccineum, cuius summa est pulchritudo & decus. Europa super-bit sua *Kermes*, seu colore, qui haud cedit cochenillæ, habitat in foliis ilicis aculeatæ cocci glandiferæ (C. B. 425.) legitur summa ejus copia in Occitania & Pro-vincia, & conficitur ex ea chermesinum seu scarlatum. Polonia abundat *cocco* radicum purpureo, quo cocci-neo tingitur colore, cuius maximus ulus fuit ante de-rectam cochenillam: habitat præsertim Thorunii ad radices Schleranthi, Potentillæ, Pimpinellæ: huic Turcæ & Armeni a Judæis Polonicis emunt, & tin-gunt cum eo vestimenta, sericum, corium sic dictum lassian, ut & eqvorum caudas jubasqve. Ex hujus coc-ci succo recenti, cum succo citri extracto, charta paratur cosmetica, charta di Spagna nominata, & Be-zetta rubra, seu rubrum linteum cosmeticum, quod huic succo immergitur. (x) *Gummi Lacca*, diu existi-matum fuisse resinam arboris cuiusdam Indiæ, nunc deprehenditur esse insecti proventus; si vero sit a-phidum succus ab hominibus collectus, vel apum the-saurus cereus, non adhuc planum est: Indiani ejus o-pe egregium colore rubrum serico imponunt, pro-venit copiose in Bengala, Azem, Pegu, Guzurata; e lacca in ramulis cera sigillatoria, seu cera Hispanica conficitur: adhibetur ad vernigines præsertim Chinen-sium

sium illas imitantes. *Gallæ* sunt protuberantiae ortæ in foliis quercuum ex ichneumone, qvæ ibidem ova deponit, earum autem usus ad atramentum & tinturas nigras, nemini non notus est; apportantur e Smyrna, Tripoli, optimæ vero Nausilio. Gallarum quædam species seu potius nidus aphidum a Turcis appellatus Bazgenges, adhibetur ab illis ad colorem scarlatinum, addita cochenillæ justa copia. (y) In provincia Novæ Hispaniæ Yucatan, Indiani ex *eruca* quadam verniginem parant, qvæ est pinguedo ejus supernatans in olla aquæ plena, in qua coquatur, quamque illi colligunt. (z) Qui olim purpureo colore vestimenta ornabant, purpuram cum melle miscabant, ut color purpurae & candor diutius servaretur. (aa) Resina seu sic dicta *propolis*, cuius ope apes claudunt rimas favorum, soluta in spiritu vini vel oleo terebinthini, potest esse loco verniginis, qva utitur ad parandum colorem aureum vel argenteum: dat optimum colorem metallis nitidis & politis, supra qvæ extenditur. (bb) *Tinea*, quam tanto & justo prosequimur odio, poterit aliquando utilissimis adscribi insectis, nam sunt ejus excrements eodem colore tincta quo fuerunt vestes, qvas devorabat, duratqve is color per longum tempus; si itaque nutritetur vestimentis eo colore tinctis, quo nos uti volumus, etiam excrements earum essent eodem modo colorata, qvæ pictoribus utilissima essent. (cc) Ex cera construuntur variæ fructuum & animalium figuræ, qvæ ita naturalem imitantur pulchritudinem, ut admiratione omni dignæ sint: & ex cera statuarii typos & exemplaria in parvo conficiunt, qvæ sequuntur constructurentes majoris molis opera. Sed & ingentes e cera faciunt statuas, ut Romani

mani olim ejusmodi figuris sua ornarunt palatia. Nostro tempore mundus habet, qvod admiretur in Fano S. Ger- mani in Laye non procul Lutetiis Parifiorum, qvod locum includit le Cercle Royal, turgentem statuis ad staturam humanam, pretioso ornatu, Regis Galliae Ludovici XIV. Reginæ, Principum, aliorumque nobilium, ut & principum aulæ Hispaniæ, Turcicæ & Indiæ, in cera vere Dædalea manu expositis. ( dd ) Multorum *insectorum coleoperatorum* elytra ornare possunt scrinia & thecas. Dant insecta lucentia, *laternaria scotopendra* & *Lampyrts*, uberrimam lucem noctu, qvod docuit Indianos alligare lampyrides ad pedes manusque, dum ventionem noctu peragunt, præbentque vicem candelæ, & spargunt tantum luminis, ut subtilissima juxta eas legi possit scriptura. ( ee ) Candelæ ex cera parantur, qvæ diutius quam sebaceæ ardent, & clariorem fundunt lucem. Sed & inducuntur fenestræ papyraceæ ce- ra, unde longe pellucidiores evadunt, quam oleo illis- ta. Neqve hoc ignotum est, ad leviganda ligna ju- glandis, claudendas arborum rimas vulneraque, ut & in inoculationibus, ceram esse in usu. Olim fuit pieis loco ad obturandas naves, ne haurirent & imbiberent æqvora. ( ff ) In piscatura: ad angvillas aliciendas con- ductus *eruca ephemera*. Cyprinus [ Faun. Sv. 320 ] non destituet hamum, si ei affixus sit *scarabaeus pilularius*, cui absumpta prius elytra. Varii minoris generis pisces aliciuntur *gryllus* ( Faun. Sv. 621. 625. 627 ) & muscis. Ad avium illecebras venatores utuntur sæpe *insectis* iis, qvibus aves, quamdiu in libertate hærent, delectantur. Cretenses pueri *cicada* capiunt hirundines. ( Faun. Sv. 246. ) Olim calcem parabant mortales e crustis & in- tegumentis *insectorum testaceorum*: Ii qui vinum parant, acedis-

accidinem ejus temperant affusione lapidis cancerorum. His omnibus accedit ille usus serae, dum funiculi Geometrarum oculo tincti ea illuminuntur, hoc enim nisi fieret, essectiones geodeticæ redderentur dubiae immo fallaces, ob contractionem funicularum quam subeunt ex aeris tempeste varia, unde evenit ut mensuræ in iis ad orientem varient. Sed speciosius est, insecta subire vicem pyxidis nauticæ, quod formicæ præstant; quæ d. ponunt semper ova sua sub superficie myrmecii ad omnes plagas, septentrionalem solam si excipias; quoniam itaque semper commovent pulverem constituentem a-cervum, nullum gramen crescere potest a parte australi myrmecii, sed tuto & copiose a septentrionali, quod acus magneticæ instar est Lapponibus & Norlandis in densissimis tylvis constitutis, unde distinguunt austrum & septentrionem. (gg) Commoda etiam fuit Wafero in alto mari constituto, & in extremo omnium defectu rerum periclitanti, infinita gryllorum & aliorum insectorum copia a vento impetuosissimo sublata e terra & in mare non procul a navi projecta, quæ portum optatum designabat, quem aliquando frustra quaesiisset. (kk) Ad chartam utilia sunt insecta, eam enim Cathayi ex involucris & exuviis bombycum conficiunt, adeo tamen tenuis est, ut in altera tantum parte tyoporum impressionem sustineat. (ii) Persiani papyrum & sericeis vestimentis condunt, quæ si veram ejus parandi artem intelligerent, longe melior evaderet. Crabrones ex aridis lignis construunt involucra nidorum, perquam similia chartæ, quod aliquando modum docebunt, chartam ex attrito ligno, parandi. (kk) Ad varias machinas, commoda sunt insecta: locustarum pedes cum inaruerint ferrarum usum præbebant Indianis [ll]

*Araneae ejiciuntur e mari in littora Pensylvaniæ, qvæ caudis instructæ sunt, ad longitudinem dimidiae ulnæ, & tanta rigiditate, ut durissima arbor cum iis secari possit, habent enim æque ac serra incisuras.* (mm) *Cæterum ex analogia adhuc infinita fere detegere possunt ii, qvibus pudori non est, naturæ indagare mysteria,* 5:0 *Commercia promovent insecta non parum. Sericum utilissimum eorum est objectum. Mel & cerae Polonia & Muscovia exportatur a Batavis, & præsertim hæc insignem illis reddit pecuniam, in templis enim catholicorum copiosa est consumtio candelarum cerearum. Fionii mulsum, cui cum aromatibus gratum conciliant odorem saporemqve, ad Hollandiam exportant, ubi ab optimatibus in deliciis habetur.* (nn) *Ca-thayi chartam suam vendunt: scorpiones in Hetruria, calculi cancerorum, ingentia alvearia, formicæ aliaqve insecta qvæ in ulum cedunt hominibus, venduntur: sicut Tonqvini suos gryllos in nundinis quotidianis urbis Cachao venales ad cibum exponunt.* (oo) *Villa qvædam Novæ Hispaniæ, Haniago, unice occupata est piscatura cancerorum, qvos ad omnes provinciæ urbes transferunt, prælertim vero civitas Mexico in deliciis eos habet.* (pp) *Bahusienses plurimi se sustentant tantum piscatura gammarorum, qvos apportant Hollandiam, & ad alias regni provincias, veniuntqve duo vel tres naves e Hollandia Stromstadium, singulis annis, oneranturqve gammaris.* (qq) *Batavis gummi laccæ libræ pretium est decem solidorum in India, in Europa vero unciam decem solidis vendunt: & hanc qvoad dimidiâ partem commixtam cum resina.* (rr) *cochenilla in qvo pretio sit, ex eo intelligi potest, qvod solum hoc insecti cadaver, exportatum e Mexi-*

co, ubi sine periculo & magis impensis colitur. omnes  
 Novæ Hispaniæ fodinas exsuperet argenteas, nam reddit  
 singulo anno circiter 7000400. florenos Hollandicos. (ss)  
*Cera alba* materialistæ insignem pecuniam extraxerunt e  
 patria nostra, licet nos ipsi apes, utilissima illa animalia,  
 colere possimus per universum regnum, qvarum culturam  
 neque Fennia nostra respuit, licet ex defectu cogni-  
 tionis de earum cultura, in easum iverint nonnullo-  
 rum pericula. Abundat hæc regio patentioribus eri-  
 cetis, salicetis & pratis, quam ulla alia Sveciæ provin-  
 cia, adeoque hæc abundantia compensaret, quod æsta-  
 tis brevitas aufert: industria etiam detegere ad pro-  
 movendam earum culturam plurima valet, siqve ali-  
 mentum deficiat in uno loco, possunt transvehi alve-  
 aria, ut Græcorum mos fuit, ex una regione in alte-  
 ram; certe hæc negligenda non essent animalia, quæ  
 nullum alimentum e manibus hominum expetunt, ne-  
 que nisi levem culturam poscunt, quam tanta laborum  
 suorum abundantia remetiuntur. 6:0 *Damna & noxas*  
*insectorum* breviter enumerabimus, exinde enim elu-  
 cebit, qvid valeat accurata de iis cognitio, quæ opti-  
 mos detegit modos, ea extirpandi. Non minimo in-  
 commodo sunt *muscae*, quæ in plurimis regionibus  
 tanta sunt copia, ut immaniter torquent incolas; hanc  
 ob caussam Novæ Hollandiæ inhabitatores a prima  
 infantia oculos clausos habeant, necesse est, propter  
 muscularum audaciam & copiam, quæ in naribus & ora  
 repunt, nullaque potestate abigi possunt. (tt) *Musco-*  
*vitæ* circa Wolgam faciem parvo rete tegunt, ad abi-  
 gendam immensam culicum vim. *Lappones* salicis &  
*Boleti* fumo eos in fugam conjiciunt (uu): faciem, manusq;  
 ungunt lacte & piçe. (vv) *Eruca* quamdam *processionaria*,  
 cum

27

eum nimium tractatur, plumas emittit, qvæ dum incidunt in cutem, tumores & elevationes excitant, dolori associatas, migranti ex uno in alterum locum; maxime periculosis est nidus plenus chrysalidibus, & periculosisserus, quando exiit papilio; petroselino crebriter frictus locus inquinatus curari potest. ( xx ) Venenatorum insectorum morsus alexipharmacis sanatur, saepe volatili viperarum & cornu cervi. Indiani scorpiorum vulnera, igne urunt, vel lapide tumores pulsant, donee languescat membrum. Tarantulae morsus curatur musica ad genium hominis accommodata. Inquinant saepe infecta multa, qvæ nobis usui esse debent: cujus generis sunt, qvæ aquam corrumpunt, nautis inservientem, qvam Halesius oleo sulphuris vel vitrioli emendavit. ( yy ) Formicae albæ Indianorum tantum damni faciunt, ut intra paucos dies perforent ferrum, lignum, immo ipsas naves, si forte in illas veniant, redditurqve eas inutiles, coguntur igitur homines qvæcunque habent deponere in patina collectata in aqua: nec hoc modo liberata sunt utensilia: solum lignum camphoræ ingratum iis est, qvia gravissimum odorem spargit, quem aversantur. ( zz ) Chinenses eas depellunt formicis nigro colore. ( aaa ) Sæpe vero grylli vastatur eorum regio. Qvarum etiam in Besarabico deserto tanta fuit copia, ut dum nostri post infelicissimum Pultaviense prælium illud peragrarent, palmæ latitudine terram per quadrantem milliaris obtegerent, omni in illo spatio funditus consumto vegetabili ( Stralenbergs nord und östliche theil von Europa und Asia p. 362. ) Auctor est Baazius ( H. Eccl. p. 823. ) 1641. d. 17, 18. Maii maximum locustarum exercitum, flante borea, ad ripam australē lacus Wetteri advenisse, hortos & pra-

ta catervatim occupasse, sed fusis in ecclesia precibus  
 hanc rubiginem terrae absqve danno notabili disces-  
 sisse. De muscis ex eodem lacu prognatis conf. Tiseli  
 bestie. Øther Sibn Wætern, p. 2. p. 81. seq. Vernigo  
 Chinensis ingrata *insectis* est, neqve cistula ea illita,  
 ab illis perforatur. *Blattæ lucifugæ* odore sulphuris,  
 vel aqua calida injecta in nidum earum, vel visco,  
 sensim diuinui possunt. Nuper detexit Patriæ honos  
 Cel. Linnæus in itinerario Westrogothico, *cansbaridem cor-*  
*xumpentem ligna navium*, qvod insectum pieis superun-  
*tione super ligna facillime & sine impensis magnis*  
*cohiberi potest.* (bbb) Vestimenta pellicea deposita in  
 vasis pipere & amaris seminibus repletis, vel etiam be-  
 ne & fortiter olenibus, liberantur *tinea*. Fumus vi-  
 triolico sulphurinus Fahlunensis est iis inimicissimus.  
 (ccc) Odore vel vapore olei therebinthini & spiritus  
 vini, tabaci, & mercurii sulphurisque necari possunt,  
 licet hi gemini ultimi, aliquantum coloribus vestimen-  
 torum noceant. (ddd) *Grylli domestici* abiguntur fumo  
 populi tremulæ, vel etiam gryllis campestribus. *Eru-*  
*cae* nonnullæ se per hyemem abscondunt in foliis con-  
 volutis, ubi facillime capi possunt & perniciei tradi.  
 Arbores & plantæ, qvæ succum sufficientem nutritivum  
 habent & fortiter crescunt, non infestantur erucis, neq;  
 aphidibus. Fossæ in pratis si effodiantur circa loca ubi  
 freqventes sunt eruae, prohibent eas longius procede-  
 re. Nicotiana in aqua cocta, cum qva aspergantur ar-  
 va, depellit *grylos* per totum annum. Tubaæ & soni-  
 tus instrumentorum musicalium eos etiam abigunt. A-  
 nonymus qvidam seqventia probatoria remedia contra  
 hanc pestem dat: paleæ supra *grylos* in pratis asper-  
 se, anteqvam volare didicerunt, & accensæ, cum pri-  
 mun

mum ex ovulis prorepunt, eas interimunt. Ager, si versetur vomere tempore autumnali, cum frigus incipit, hyemini, pluviae & avibus exponit gryllorum ova: possunt in fossam cogi & in ea humo obrui, quod instituendum antequam alas expandere sciunt, vel cum eae rore humidæ sunt: abominantur pulverem tormentarium, & gramen conspersum aqua salina, in qua lupinus amarus coctus: & odorem ex captis & combustis gryllis: conspersi aqua in qua calx soluta, occiduntur. Papilionum ova & chrysalides, piceis facibus, caute tamen admotis, comburi possunt in arboribus: & si papilionum & phalænarum femellæ occiduntur, pereunt una quingenta vel sexcenta ova. Sociales erucæ interfici possunt in parte arboris a vento aversa, dum immitis est tempestas: arbores quassatæ dejiciunt erucas, inque terra possunt interimi; ne tunc arbores iterum scandant, prohibentur linteo quod oleo tintatum, vel corona aristis horrida, vel visco, quæ truncos circumdantur, quæque non supergrediuntur. Eximie salsa aqua aspersa plantis, ante ortum solis, potui cedit erucis die calido, ex qua moriuntur: neque illis arridet fumus porri, picis, sulphuris, fungi, coryli, galbani; vel vitriolum in aqua solutum. Hec ille. (e) ) Adjicerem & plura; ut & incommoda ex insectis illata animantibus, quoniam autem in omnium œconomorum scriptis, quærelæ supra hanc rem adiungunt & remedia, ea enumerate superfedeo.

(a) Geschicht. derer Chiquitos. p. 721. (b) Wafer. Reis. durch Dar. c. 4. (c) Hybn. l. c. p. 79. (d) Rarit. cabin. p. 195. (e) Linn. Fl. Lapp. p. 278. (f) Reaum. T. 2. P. 2. p. m. 118. (g) Laws. Beschr. der Carolina p. 270. [h] Plin. lib. 6. c. 30. & lib. 11. c. 29. (i) Reaum. T. 5. P. 1. p.

m. 237. conf. Arist. H. A. Lib. 5. c. 30. (k) Damp. Reis. P.  
 1. p. m. 782. (l) id. ib. P. 2. p. m. 48. (m) Colomes.  
 observ. Sur. p. 140. (n) Frisch. T. 12. p. 7. conf. Bochart.  
*bierozoicon*, p. 2. p. 487. (o) Derrib. l. c. lib. 4. c. 13. not.  
 22. confr. Reaum. T. 2. P. 2. p. m. 116. (p.) Holm.  
 Beskr. om Pensylv. p. 41. (q) Reaum. T. 3. P. 2. p. m. 180.  
 [r] lib. 17. c. 24. (s) Tries. l. c. p. 93. (t) Seren.  
 Ang. Akerm. p. 155. (u) diff. de spont. plant. p. 51. (w) Linn.  
 de sicc. p. 13. ss. conf. Reaum. T. 1. P. 1. p. m. 7. (x) Hybn.  
 l. c. p. 499. (y) Reaum. T. 3. P. 2. p. m. 35. [z] id. T.  
 1. P. 1. p. m. 194. (aa) Francisc. Schaub. P. 3. p. 1153.  
 (bb) Reaum. T. 5. P. 2. p. m. 76. (cc) id. T. 3. P. 1. p. m.  
 121. (dd) Apron. Reis. p. 106. (ee) Holm. l. c. p. 188.  
 (ff) Valer. argon. Lib. 1. v. 480. (gg) act. ac. Sc. Holm.  
 1742 v. 1. p. 47. (hh) l. c. c. 8. (ii) Leff. ins. theor. p.  
 356. (kk) de Geer. orat. de us. cogn. ins. p. 17. (ll) Plini.  
 lib. 11. c. 29. [mm] Holm. l. c. p. 41. (nn) Gundl. disc.  
 über Europ. stat. P. 2. p. 199. [oo] Damp. l. c. P. 2. p.  
 m. 35. (pp) id. ib. p. m. 600. [qq] Kalm. l. c. p. 257.  
 [rr] Sahlm. Häll. stats öck Comm: spieg. P. 1. p. 393. (ss)  
 Reaum. T. 4. P. 1. p. m. 135. (tt) Damp. l. c. p. m. 843.  
 (uu) Linn. Flor. Lapp. p. 268. [ww] id. in Calend. 1744.  
 (xx) Reaum. T. 2. P. 1. p. m. 241. [yy] Muschenbr.  
 Phys. S. 715. (zz) Vogel Ostind. Reis. p. 381. [aaa] Le  
 come l. c. P. 2. p. 370. [bbb] p. 149. ff. (ccc) act. ac.  
 Sc. Holm. 1743. v. 1. p. 75. (ddd) Reaum. T. 3. P. 1. me-  
 moir. 3. (eee) Beschr. der raup. maden und läszer. p. 14. sq.

## § IV.

## USUS PHYSICUS:

JAm usus insectorum physicus disquisitioni obvenit, qui  
qvi-

quidem, per hactenus detecta, non multiplex est, in suo genere tamen præclarus, & dignus certe qui hic afferatur. 1:o *ad demonstrandam lapidum generationem e materia fluida concurrunt;* nam credunt mineralogii, aquam exceptam in terræ poros, vaporibus salinis & sulphureis imprægnatam, deinde duratam, constituere lapides. Si itaque intra massam solidam lapideam inventiatur aliquid peregrini, necessarium est, si artis fascinationes excipias, id casu illapsum intra materiam lapidificam, quæ fluida fuit, qvoniā dura corpora alio modo intra duram superficiem, nullibi observata fissura, intrudi non potuerunt; quod deinde, prohibito regressu, ibidem retentum, & sæpe superveniente adhuc materia lapidifica, totum intra lapidem sepultum fuit. Sic apī electro incluæ cum seculis duraturum erexit tumulum, ut & formicae, vates Martialis (a) Topasius assevatus in museo Lœvenstedtiano *musca* in suo medio superbivit, & carniolus ibi ostendebatur, in quo *formica*. [b] In electro etiam culices, mulcæ & alia insecta apprehenduntur. (c) Mission memorabile assert exemplum *canecri* vivi, pondere quatuor librarum, in lapicidinis Tivolinis reperti, in cavo loco fossæ ab operariis, quem deinde coctum innoxie comedebant. (d) Cui si quis addere velit relationem de *rana* viva in Gottlandia ad 8 ulnarum profunditatem reperta in lapicidina, (e) nescio an validius inveniat argumentum ad hanc adstruendam propositionem. 2:o Si impressionem quamcunque peregrinam cernamus in lapidibus, tuto exinde, eos fluidos fuisse, concludimus; sed neque desunt in museis mineralogorum lapides vestigia *insectorum* in sua superficie ob oculos ponentes. 3:o Petrefacta hanc demonstrant assertionem; duplē illam habemus, vel  
annis per-

perfectam, cum totum corpus intus & extus se induit lapidea consistentia, vel imperfectam, cum tantum circumdata est crusta petracea; utroque vero modo natura non agere valeret, nisi fluida fuisset massa; aqua enim pulvere lapideo repleta, est illa materia, quæ poros corporum intrare, & imminutos hos lapides parietibus eorum affigere potest. *Insecta* dari petrefacta fere ubique mineralogi afferunt, & in omnibus repositoriis reperiuntur varia eorum genera, ut canceri, erucæ, libellulæ, papiliones, scarabæi, cervi volantes, & alia, petrefacta. (f) 2:0 *Falsum generationis æquivocæ principium* evertit cognitio *insectorum*, quod ex materia putrescenti *insecta* oriri vult. Experientiam invocant, quæ ex carne putrida, museas generatas ostendit. Hunc etiam proferunt processum: *cancerorum* fluviatilium cinis in loco humido vel in vale terreo sinatur cum aqua modica, intra viginti dies innumeræ atomi animatae visuntur, quæ si sanguine bovino irrorentur, in cancros paulatim commutantur. (g) Chinenses *gryllos* e foliis certarum arborum provenire existimant, observantes ea se sensim transformare, in pedes, capita, alas, & reliqua membra, tandemque avolare. (b) Hæc & multa alia sunt figmenta, quibus antiquitas jocata, posteritas fidem adiecit: ita ut nostro etiam tempore Bonanni præsertim & Kirckerus ausi sint, hæc tam vana, tam stulta, defendere. Optimus Florentinus Redi ex plurimis experimentis jamdudum solide demonstravit, nihil fortuito fieri, neque ex putridarum particularum cæca combinatione viva oriri animalia: demonstrarunt hoc etiam omnes, qui *insecta* attentis considerarunt oculis, per totam eorum vitam; in scriptis enim suis vulgarunt, nullum hujus æquivocæ generationis vestigium.

gium apparere, immo ne quidem *insecta*, qvæ se subducunt oculorum aciei, legibus naturæ subducuntur, qvæ præscriptæ majoribus animalibus sunt. Si vero hoc non detectum esset in minimis animalculis, facile invalescere potuisset eadem opinio de majoribus, adeoque vacillare fundamenta, qvæ creator dedit, juxta qvæ omnia sunt ordine & sapientia summa. ( i )  
 3:0 Universalitatem diluvii demonstrant; si enim reperiantur in fodinis & profunde in montibus variis aquarum incolæ, certe affirmari potest, eos illuc delatos diluvii tempore, cum aquæ continua agitatione, qvæ in cavernas montium hæc ingessit, dum vel prorsus novos montes produxit, vel plutes super invicem cumulavit; ea occasione hæc animalia in mollem argillam & montificam massam impressit, vel finito diluvii tempore, recedendo ea ibidem reliquit, a se incapacia aquas repetere. Tanto sæpe distant montes ejusmodi, aquæ incolis repleti, intervallo a mari, ut, si qvæ fuerit senior inundatio, ad tantam altitudinem neque assurrexerit, neqve tam late se distenderit. præter conchas, pisces & testacea, sunt etiam cancri, gammari, imo *insecta* volatilia & terrestria reperta in montibus: qvæ in lithologorum scriptis utramque implant paginam. 4:0 Tellurem augeri singulo anno novis bisoribus variis in locis, demonstrant *insecta aquatica*, reperta in terra longo intervallo a mari: qvæ est in boreali mundi parte vulgaris jam observatio: in Pennsylvania hoc etiam observatur. ( k ) 5:0 Ad exquirendas vires aquarum medicarum adhibentur coccinellæ & gallæ, qvarum ope debilissimæ aquæ examinari possunt: qvæ tinguntur in examine vario, pro varia mixtione & copia particularum mineralium, colore. 6:0

Foliorum & animalium dant scheletos, quod utilissimum est Botanicis & Osteologis; excavant nonnulla insecta omnem foliorum carnem, & nudas tantum relinqunt venas. Cadaver melle inunctum thecae includatur, quæ multis foraminibus pertusa est, & in myrmecio sepeliatur, purgatum evadit omni carne, remanentque tantum nervi, qui ob duritiem laedi non possunt a formicis, nec tuncque omnia ossa. (1) Sed Bosmanus refert, speciem quandam formicarum in Guinea abundare, quæ nocte saepè invadunt oves, quas ita comedunt, & omni eas spolient carne, & matutino tempore relinqvant solum skeleton, tam purum, ut cedat iis artificiosissimus anatomicus: hoc fatum etiam imponunt gallinis, columbis, aliisque avibus; mures quoque infestis adoriantur viribus, & occidunt. (m) 7:0 Subtilitatem materiae, & ejus divisibilitatem in partes numerum omnem datum exsuperantes adstruunt minima illa animalcula liqvorum, quæ tantum armatis oculis se conspicienda præbent. Boyleus narrat, feminam in Anglia unam ex thecis *bombycum* in one illud filum sericeum unde constabat extraxisse, quod ultra 300. ulnarum Anglicanarum longitudinem exporrigeretur, nec tamen nisi grana duo cum dimidio ponderabat. (n) 8:0 Aeris temperiem & mutationem praedicunt insecta, cum prorepunt, vel le abdunt, vel conglomerant. Araneæ cum sedulo nent aderit ventus cum imbre. Si musæ, cum vividissimæ sunt, aestate matutino tempore, sub tecto conledunt, pluvia diutina exspectatur. *Tabanus* (Faun. Sv. 1047.) hominibus quando infestus fit & eos invadit, pluviae nuncius est. (o) Cum apes in alvearia abscondunt, neque volando longe procedunt ab alveariis, immidis instat tempestas. (p) ut & qvam

quando papilioes terræ prope advolant, & formicæ alte ova in acervis defodiunt.

- ( a ) Lib. 4. epigr. 32. & lib. 6. epigr. 15. ( b ) Leß. lithot. p. 128. [ c ] Cartheus. specim. amoen. Nat. p. 37. ( d ) l. c. p. 306. [ e ] Act. acad. Sc. Holm. 1741 v. 4. p. 248. ( f ) Le Comte, l. c. P. 1. p. 168. Leß. lith. p. 554 Brom. Lit. togr. Svecan. p. 76. [ g ] Schott. Phys. Cur p. 1381. ( h ) le Comte. l. c. P. 2. p. 371. conf. Linn. orat. cit. p. 24. ( i ) Reaum. T. 2. praef. & T. 3. praef. ( k ) Holm. l. c. p. 189. ( l ) Leß. inf. theol. p 374. ( m ) l. c. p. 327. Tract. de subtil. effuv. & z. ( o ) Linn. Wästg. res. p. 9. ( p ) Reaum. T. 5. P. 1. p. m. 269. & 270. Wolff. Teleol. p. 229.

### § V.

## USUS JURIDICUS.

**N**egare nemo potest, jurisconsultum, si suo rite fungatur munere, in omnibus scientiis versatum esse debere. Docuit eum saepe eventus, quam periculose sit, Physicæ & Historiæ Naturalis carere cognitione, supercilium vero ut ducat, dum insectorum ab eo requiritur cognitio, credibile est. Sed haec animalia tantos caußare motus, ut ad judicem usque adicendas, exemplis accipias, velim, paucis. Apum examinationes valde inconstantes sunt, quod compulit legislatores, de iis distincta exhibere capita in codice legum civilium. Ad alvearia in hereditatibus rite disponenda eorum requiritur cognitio. Haud raro e collegiis medicis vel ex ipso senatu distribuuntur statuta, de insectis utilibus excipiendis & colendis, vel de extirpandis noxiis, sicut Plinius jam affirmat de locustis in Cyrenaica regione legem latam, ter anno eas de-

bellandi, & in Lemno insula certam mensuram præfinitam fuisse, qvam singuli enecatarum ad magistratus referrent. (a) Muscovitæ contra biatorum lucis fugas, publica ediderunt mandata, ne Petropoli se spargerent ubi domus, in qua hæ inveniuntur, evertitur & comburitur. (b) Ullatum est, occidere apes, cum mel & cera alveariis eximuntur, qvæ damnoſa conſuetudo lege vetanda eſſet, ita qvædam in Hetruria lata, ſub poena magna apum interemptionem prohibens. (c) Venena ex erucis pithyocampis, araneis, ſcorpionibus, & aliis, parantur. Cureuliones agros, phalænarum & papilionum eruce prata, hortos, & folia arborum, plurima insecta ligna navium, vementa, ſupelleſtilia fœdant. Sæpe colores, ut cochenilla cum coccinella, gummi lacea cum colophonia mixcentur, vel adulterantur alii proventus infectorum, & ſupponuntur falla & noxia loco ſinceri. Jurisconsulti eſt vextigalia pretiaque rebus conſtituere, vel moderari, inter qvas plurimos infectorum proventus deprehendit. Superſtitiones diræ committuntur cum insectis, qvæ qvoniam judicis ſæpe ſubjiciuntur arbitrio: prius ſuspendatur necesse eſt generofus ejus animus, & res ipla erit examinanda, ne inconfulta ferat judicia. Proveniunt ſæpe extraordinariae lites ab insectis cauſatae, qvas certe non aliud qvam entomologiaz peritus judeſ ſolvat: ut rixa agitata ſupra naturam cochenillæ, an eſſet infectorum, vel fructus arboris opuntiæ? qvæ omnino juridice tractata fuit, cum testibus & omni processu juridico, tandemque coram tribunali deciſa. (d) Alia etiam fuit quæſtio de eo, qvi venenum ſpargebatur in nectariis Narciforum, unde apes ſolito more ceram colligendo mortis potum hauriebant, an ad id facinus patrandum

specie.

speciem habere potuit rationis, ex eo, quod apes nar-  
cissos aliquo modo læserint. ( e ) Refero huc poenas,  
qibus gentes affecerunt malignos, & ad qvas exer-  
cendas insectis usi fuerunt. Batavi in insula Java segnes  
milites musca & culicibus exponunt. Tunetani, Mam-  
luckas, qui redeunt ad fidem Christianam, turri in-  
cludunt arcta & exigua, ad caput usque, quod aper-  
tum & liberum relinquent, sed melle inungunt, &  
infelicem ita tradunt, per tres dies noctesque, muscas,  
qva eum, etiam ante hoc temporis spatium, tortuo-  
sissima occidunt morte. [ f ] Adulterem Judæi tem-  
pore æstivo acervo formicarum nudum insidere compel-  
lebant, naribus tamen & auribus obturatis: tandem  
aqua frigida se abluebat. Qyod si supplicium levius  
esse videbatur, qvam oportebat, tum per examen  
apum prædensum currere tenebatur, ut eæ ei cor-  
pus lacinarent, & pungerent adeo, ut præ do-  
loribus intumesceret universum; e quo malo qvampri-  
mum contvaluit, rursum per hujus modi examen api-  
arium currere cogebatur, & id saepius quidem, pro-  
ut graviter peccando idipsum judicio ipsorum prome-  
ritus erat. Si saepenumero peccavit, per annos mul-  
tos poenam istam continue pati tenebatur. ( g ) Usui  
insectorum juridico addimus tres alias, qvos ob brevi-  
tatem eorum ad distinctos §§. amandare noluimus,  
nam ilsum in arte militari, nam ille, cui belli credita est  
cura, id studeat potissimum, ut militibus qvam pluri-  
mum potest parcat, & potius consilio rem gerat,  
qvam truculenta immanitate gladios sanguine macu-  
let. Majorem utique sibi comparat gloriam, dum inter-  
enses splendet ejus sagacitas, qvam cum omnia perni-  
ci Bellonæ furori consecrata videntur. Tam vilia li-

cet sint *insecta*, hostem tamen profligare valent. Comes Immo obsidione se liberavit a *apeariis* plurimis, quæ in hostium conjectit cuneos, apes evolantes iratae e-  
quos pupugerunt, qui consternati aciem confundebant,  
& obsidionem solvebant. (b) Simili modo repusi  
sunt quondam rustici in Germania, oppidum quoddam  
obsidentes. (i) 2:o HERALDICA, quæ docet quomodo  
recte intelligi & explicari possint signa nobilium, ex  
cognitione *insectorum* grande capit incrementum, ho-  
rum enim intellecta natura declarari potest hiero-  
glyphica significatio, involvens Nobilis virtutes, signo  
denotatas, vel etiam instructum reddunt Heraldicum ad  
similia signa artificiose & cum ingenio construendum.  
Bavaria superior in scutello scorpionem gerit. Piperiana  
illustris Sveciæ familia *apum* figuræ scuto inclusit. (k)  
Wiennæ ostenditur Clodowæ regis Galliæ insigne,  
in quo tres *scarabæi* expansis observantur alis, unde  
per errorem lilia illa tria enata esse existimat Apro-  
nius, quibus hodie florentem suam potentiam deno-  
tat in insigni, Galliæ Potentissimus Rex, (l) Multo-  
rum *insectorum* coleoptratorum elytra tanta superbunt  
elegantia, ut ad insignia exponenda, eaque pulcher-  
rime ornanda, nihil magis conducere videatur, quia  
per annos bene multos colorem inviolatum retinent.  
(m) Fuere vero jam ab antiquis Ægyptiis, testante  
Horo Apolline, hieroglyphico significatu usurpata *in-  
secta*. Ita impudentiam notantes *muscam* pingebant, &  
ceremoniis Deastrorum addictum significabant per *cica-  
dam*. Per *scarabaeum*, quem animatam solis imaginem  
putarunt, varia designabant. His ad jungi potest, Ro-  
manam equestrem familiam Coslatiam, non en traxis-  
se a larva *scarabæi* monocerotis, *Cosso* dicta. (Ne-  
screib.

schreib. des Holländ. Pfahl. wurma p. 9.) 3:0 In Historia Literaria cuique notum est, quam indispensabilis olim usus fuit cera, chartæ loco, ad componendas litteras librosque, dum leves tenuesque afferes cera obducebant, superque eos scripsunt. Si itaque ceræ cognitio & usus homines latuisset, destituti nunc essemus omni luctu antiqvitatis in Historia, Mathesi, Physica, & Philosophia. Ita ut hic unus usus ad commendandam totam entomologiam sufficeret. Huc refero, litteras olim cera vario tincta colore, obsignatas fuisse. Hodie adhuc confirmantur in auro, argento, vel ligno, Regum decreta, acta publica, instrumenta pacis, aliaque, cera varie colorata, pro more regionis.

[ a ] Lib. II. c. 29. [ b ] Frisib. T. 5. p. 15. [ c ] Reasm. T. 5. P. 2. p. m. 355. [ d ] id. T. 4. P. 1. p. m. 16. [ e ] Linn. de spons plant. p. 50. [ f ] Theven. Reisib. P. 1. p. 402. [ g ] Buxdorf. Synag. Jud. p. 496. [ h ] Carl Segersk. p. 873. [ i ] Leff. ins. theol. p. 367. [ k ] Ruab. ichryot. Bibl. P. 1. dedic. [ l ] Reisib. p. 9. [ m ] Frisib. T. 7. p. 14. & T. 12. p. 27.

## § VI

### USUS ANIMALIS.

**C**laudie agmen usus insectorum animalis. Qvam arte hic cum nostro conjunctus sit statu, patet consideranti, ea animalia, qvæ insectis se nutririunt, nobis se præhtere vel ad victimum, vel alias necessitates: etiam obstat, ne insecta nobis incomoda nimium in modum se multiplicent. 1:0 Quadrupedia plurima insectis omnino vitam sustentant. Tatu Brasiliensis ( Syst. Nat. p. 66. n. 15. ) suo le inquinat per totum corpus, lotio,

cau-

cauda tantum excepta, cubando deinde supinus; eam  
 ad os usqve extendit, lingvamqve exserit, formicas  
 vero, qvæ supra sicciam currunt caudam & linguam, de-  
 glutit, hanc in os retrahendo. (a) *Myrmecophaga*  
 (Syst. Nat. p. 63. n. 4.) lingva donata est 5. ad 6. pol-  
 lices longa, cumqve esurit, ad acervum festinat for-  
 micarum, omnes prius lustrans plagas ne periculo-  
 sum qvid adfit, qvam semper adhibet circumspectio-  
 nem, decumbit prope ad acervum, lingvamqve exten-  
 dit qvam longissime potest, qvæ cito formicis repletur;  
 hanc statim retrahit, & omnes deglutit, qvæ ob tena-  
 cem liqvorem, qva superius instructa est, pedibus ei  
 adhaerent. (b) *Vespertilio* phalænis vicitat. Suntqve alia  
 animalia, qvæ licet non unicum in *insectis* qværant ci-  
 bum, iis tamen valde delectantur. Qualis est *ursus*, for-  
 micas, & domicilia apum mellis gratia devastans. *Me-  
 les* (Faun. Sv. 15.) scarabæos aliaqve devorat *insecta*:  
 & *Talpa* icolopendas, *Felis*qve erucas ephemerae & sca-  
 rabæos (Faun. Sv. 346.) qui etiam, ut & grylli, ab  
 erinaceis appetuntur. (c) *Vespa vulgaris* a *vulpibus* ca-  
 pitur. (d) *Suibus* transeunt erucæ phalænarum plurima-  
 rum in pabulum. Animal qvoddam Americanum, *Raco-  
 coons* dictum, valde delectatur canceris tam illis qui in  
 lacubus habitant, qvam aliis in cavis arborum & mon-  
 titum. (e) *Muribus* (Syst. Nat. p. 68. n. 22. sp. 4.) de-  
 licatum est mel, ipsæ etiam apes, qvæ caussa est, eur-  
 sapius integra devastentur alvearia. (f) His adjicio  
 singularem proprietatem ichneumonis cuiusdam, pla-  
 cendi *felibus*, si enim chartæ includatur, & felibus ap-  
 ponatur, illæ alternatim capit is latera affricant chartæ,  
 neque desistunt anteqvam ea illis eripitur, sub qva a-  
 ctione aqua e naribus earum exit. (g) 2:o apes. *Patio*  
*ferreg*

seres & birundines valde apibus delectantur, & gallinae  
 eruca ephemerae, cornices ( Faun. Sv. 70. 73. ) erucis  
 variis, motacilla ( Faun. Sv. 216. ) insectis quibuscumque,  
 Passeres Canarienses, tusciniæ, gallinae, phasianorum &  
 perdicum pulli, ovis formicarum, fringilla ( Faun. Sv.  
 199. ) papilionibus, monedula & Sturnus gryllis, bi-  
 rundo papilionibus, libellulis & culicibus, anas puli-  
 cibus aquaticis. Ad sinum Campechianum avis habitat  
 vicitans canceris, magnitudine pollicis, unde & nomen  
 traxit. ( h ) Falco ( Faun. Sv. 68. ) in Carolina, scar-  
 bæis, gryllis, & aliis insectis se satiat. ( i ) Scarabæus  
 ( Faun. Sv. 343. ) adeo petitur ab avibus, ut in terram  
 se abdere coactus sit. Parus comedit pullos velpæ vul-  
 garis, corvus pediculos ovium, avis variæ bombyces  
 & scarabæos pilularios, carduelis erucam quandam, hy-  
 berno tempore. ( k ) perdix ( Rai. av. p. 57. ) formi-  
 cas eaturaque ova, Turdum genus insecta varia, Guai-  
 numbi ( Rai. av. p. 82. ) avicularum minima, muscas,  
 caprimulgus ( Rai. av. p. 27. ) scarabæos, tuscinia muscas  
 & culices, columbae kermes ( l ) motacilla cinerea [ Rai.  
 av. p. 75. ] insecta aquatica, upupa insecta cujuscumque  
 generis, Merops ( Rai. av. p. 49. ) scarabæos, apes, a-  
 liaque insecta: Staphyrola ( Rai. av. p. 77. ) muscas. Mo-  
 rinellus ( Rai. av. p. 112. ) scarabæos, quem in finem lo-  
 ca paludosa relinqueret debet, & in campos montuosos  
 se recipere. Poero [ Rai. av. p. 151. ] formicas. Oenan-  
 she ( Rai. av. p. 76. ) scarabæis aliisque insectis pin-  
 guevit plane. Ibis utilissima est Ægyptiis ad locustas de-  
 lendas. ( Rai. av. p. 98. ) Nulla certe avis destruit e-  
 rucas plus quam passus; qui hebdomadis spatio occidit  
 ultra 3360. ( m ) Memorabile est Parus ( Faun. Sv.  
 243. ) adhibere inter alia etiam retia aranearum, in

aere volitantia, ad construendum & firmandum suorum  
nidum; (n) & *Tuipara* [Rai. av. p. 35.] nidificat in  
cumulis a formicis relictis, qui in arboribus reperi-  
untur. 3:0 *Amphibia*. serpentes avidissimi sunt bomby-  
cum silvestrium, (o) ut & erucarum, scarabaeorum  
aliorumque infectorum. *Bufones*, *ranae* & *lacertae* devo-  
ravit apes, araneas, & alia minoris generis insecta. *Chao-  
maeleon* muscis vitam sustentat & formicis, quas lingua  
sua prælonga & glutinosa perforat & captat. *Ranae*  
infestissimæ sunt bombycibus, quod illi cum damno  
noverunt, qui extra domum eos educare volunt. [p]  
*Lacertae* se dillæ *Gobemouches* in insulis Antilles summa-  
vi muscis infidiantur, ut vigiles etiam statuant ad  
attendendum in eas. (q) Formicæ dannosæ Indiarum,  
vehementem persecutionem patiuntur a lacerta qua-  
dam domestica, non venenata, quæ formicas has terri-  
biles, ubi eas cernit, devorat. (r) 4:0 *Pilces*. *Salmones*  
(Faun. Sv. 309.) circa Dordracum & Roterodamum  
pingueſcant erucis ephemerae. (s) *Grylli* in provincia  
Tonquin, quibus etiam homines ejus regionis vescun-  
tur, primum e latebris suis egressi, languescentibus  
alis, viribus destituuntur dum flumina trajiciunt, adeo-  
que in aquas eadunt, & piscibus se eleam præbent. (t)  
*Cottus* [Arteb. P. 3. p. 83.] infestis colopteris exiguis  
vescitur; & *Cottus* (id ib. p. 86.) asellis marinis a-  
liisque insectis. *Dytiscus* quoniam aërem sœpe haurire  
debet, e fundo aquæ ad superficiem accedit, in itine-  
re vero sœpe a piscibus, præcessim cyprinis, prodi-  
tus nigro suo colore, comprehenditur. (u) Hepa a  
piscibus captatur, ipsa dum prædam intequitur. [w]  
5:0 *Firmes*. Limatem terrestrem coleoptrati cuiusdam in-  
testina devorasse obseruavit Listerus. (x) Naturæ mi-  
raculum

raculum, *Polypus*, brachiis gaudet unguibus acutis instructis, qvibus *insecta* aquatica comprehendit, ita ut rapidissimum eorum cursum fistat, & seqvi cogat terrimum suum brachium, quo ea trahit ad os. ( y ) *Cancri* magni s̄epe dorsum præbere *conchis* necesse habent, qvos hue & illuc secum portant. [ z ] 7:o *Insecta* alia *insecta* in pabulum transeunt. In istmo Americano Darien *araneae* dantur insigni magnitudine, pediculis in capite onerati, qvos pedibus comprehendunt & comedunt. ( aa ) *Aranea* una alteram exsugit, si includantur in theca. Surinamenses *araneæ*, formicas edunt. *Araneæ* salientes nigræ, minoris magnitudinis, in parietibus extra domum ubique se alunt cimicibus minimis nigris, qvi in rimis habitant parietum. *Libellula* edit culices, muscas & papiliones. *Araneae* ad capiendas muscas, culicesque, retia expandunt. *Aplus* minor *insecta* capit. *Forficulae* cum elurunt se invicem devorant. ( bb ) *Formicaleo* in arena foveam construit in cuius fundo jacet, cornibus suis duobus semper paratus ad sentiendum, si qvæ *insecta* imprudenter ambulando in marginibus foveæ, illapsa sint, qvæ statim devorat. ( cc ) *Cimex* ( Frisch. T. 13. n. 5. ) se alit eruca ( id. T. 5. n. 16. ) qvam exsugit, & earum numerum valde minuit. *Hepa* alia *insecta* occidit. *Notonetta* ( Faun. Sv. 688. ) muscas prædatur. [ dd ] *Coccinellæ* earumque larvæ devastant aphides, & muscae sic dictæ aphidivore. *Acarus* ( Faun. Sv. 1199. ) pediculis aquaticis vitam sustentat. ( ee ) *Musca* [ Frisch. T. 3. n. 18. ] tanta est rapacitate, ut Coleoptratis ne quidem absistat. *Hemerobius* ( Faun. Sv. 732. ) aphides aliaque molliora *insecta* devorat. Coleoptrata atque crabrones, *Hepæ*, apes, & alia *insecta* pediculis cruciantur.

*ARANEAE*

*Araneae* aliquando capiunt apes, cum viribus iis sunt superiores. *Formicæ* valde appetunt tentredinis cuiusdam chrysalidem, quam, perforando durum eam includentem corticem, quærunt. (ff) *Bombylii*, crabrones, & vespæ vulgares, captant muscas, araneas & apes. Sed mirabilius est, unam erucam alteram devorare, qua crudelitate quædam folia quercus devastans nota est, ut observavit Reaumurius, cui ex viginti, quæ thecæ includerat, postremo tantum remansit una sola, quæ omnes alias exsugebat, relinquentis tantum cutem, caput & pedes. (gg) *Insecta* nonnulla vivunt sumtu & impendio aliorum. *Apes*, quæ ad hyemem non satis victus collegerunt, toto examine prædatum eunt, altaque invadunt data occasione alvearia, & mel furantur, si viribus sint superiores. *Pbalaenæ* sunt, quæ in alveariis ova deponunt, ut ibidem excludantur, larvæ se nutriunt cera. (hh) *Formicæ* summopere delectantur melle, quod in debilioribus alveariis quærunt, (ii) etiam succo illo dulcissimo, quem aphides exsugunt ex arborum foliis. (kk) Se præbent *insecta* aliis *insectis*, ut in se ova deponant, quæ ibidem excluduntur, & larva exsugit domicilium, semper adhuc vivens, in eo etiam se transformat in chrysalidem, & tandem exinde evolat. *Ichneumones* plurimi erucas vel araneas ovis repellent, & muscae *Gryllos*. [ll] Alii ichneumones ova sua abscondunt in ipsis ovis papilionum, & larvæ devorant erucas papilionum antequam in lucem venire possunt. (mm) *Formicæ* utuntur calore in alveariis ad excludenda ova, larvas & chrysalides, quæ omnia ab illis in melitrophiis deponuntur, intra valvas & fenestræ, ubi constans & æquabilis est caloris gradus. [nn] *Scarabaens* (Faun. Sv. 344.) ova committit & pul-

pullos formicis, qui tamen ab illis non violantur. (oo) Colophonem dissertationi addimus; sed ad utilissima hæc studia lecura mens reddit. Is, qui nobiscum insechorum cognitioni se tradere velit, si in ea inveniat, ut certi affirmamus eum inventurum, Dei gloriae manifestationem, reipublicæ & aliorum commodum, suamque denique utilitatem & oblationem, an non ex opera in hisce despectis animalibus collocata, tanta obtineat præmia, ut aliunde majora sperare non possit, ipse judicet.

- (a) Cartheus amoen. Nat. P. 1. p. 899. Schott. l. c. p. 788. (b) Kolb. l. c. p. 337. Schott. l. c. p. 792. Damp. l. c. P. 2. p. m. 472. (c) Linn. ðl. Res. p. 275. & 280. (d) Frisch. T. 9. p. 24. [e] Lawf. l. c. p. 191. (f) Reaum. T. 3. P. 2. p. m. 388. (g) Reaum. T. 3. P. 2. p. m. 284. (h) Damp. l. c. P. 2. p. m. 490. (i) Lawf. l. c. p. 218. (k) Reaum. T. 2. P. 1. p. m. 176. (l) id. T. 4. P. 1. p. m. 75. (m) id. P. 2. p. m. 203. (n) Derrh. l. c. Lib. 4. C. 13. not. 10. (o) Act. ac. Sc. Holm. 1745 v. 4. p. 264. (p) ib. 1746. v. 4. p. 273. (q) Hybn. l. c. p. 882. (r) Vogel. l. c. p. 291. (s) Blank. Schäapl. der raup. c. 32. § 9. (t) Damp. l. c. P. 2. p. m. 48. (u) Frisch. T. 13. p. 35. (w) id. T. 7. p. 23. (x) vid. Less. Testaceoth. p. 774. [y] Act. ac. Sc. Holm. 1746. v. 3. p. 202. (z) Less. l. c. p. 744 (aa) Wafer. l. c. C. 4. (bb) Frisch. T. 9. p. 33 (cc) Linn. ðl. res. p. 149 conf. Reaum. T. 1. P. 1. p. m. 17. (dd) Frisch. T. 6. p. 30 (ee) id. T. 8. p. 6 (ff) Reaum. T. 5. P. 2. p. m. 129. (gg) id. T. 2. P. 2. p. m. 208. (hh) id. T. 5. P. 2. p. m. 410. conf. T. 3. P. 1. p. m. 318. ff. (ii) id. T. 5. P. 2. p. m. 409. (kk) id. T. 3. P. 2. p. m. 44. (ll) Frisch. T. 8. p. 23. conf. T. 12. p. 6. (mm) Reaum. T. 2. P. 2. p. m. 255. (nn) id. T. 3. P. 2. p. m. 409. (oo) Act. ac. Sc. Holm. 1741. v. 1. p. 47.

